



UNIVERSITÄTS-
BIBLIOTHEK
PADERBORN

**COLLATIO-||NVM SACRARVM|| LIBRI VIII.|| Tilmanni
Bredenbachij S. Th. D.||**

Bredenbach, Tilmann

Coloniae Agrippinae, 1592

VD16 B 7378

31. De Athanasio, quomodo adhuc puer existens, cum alijs coëtaneis suis imitatus sit Episcopum, & mysteria Ecclesiastica, speique & exspectationis suæ hoc pacto specimen dederit.

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

Definitus Ecclesiast. historia libr. 10. cap. 14. De Athanasio, quomodo adhuc puer existens, cum aliis coetaneis suis imitatus sit Episcopum, & mysteria Ecclesiastica speique & expectationis suae hoc pacto specimen dederit.

CAP. XXXI.

Quia Athanasij mentionem fecimus, visum est sequentem historiam subiungere. Tempore, quo apud Alexandriam Petri martiris diem Alexander Episcopus agebat cum esset expleta solemnia conuenturos ad conuiuium suum clericos expectaret in loco maritimo, videt eminus puerorum supra oram maris ludum, imitantium, (vt fieri solet) episcopum, atque ea quae in Ecclesiis geri mos est. Sed cum intentius diutine pueros inspicere, videt ab his geri quaedam etiam secreta & mystica. Perturbatus ilico, vocari ad se clericos iubet, atque eis, quid eminus ipse videret, ostendit. Tum abire eos, & comprehensos ad se perducere omnes pueros imperat. Cumque adessent, quis eis ludus, & quid agerent, vel quomodo, percunctatur. Illi, vt nullis habet aetas, pauidi, negare primo, deinde rem gestam per ordinem pandunt, & baptizatos a se esse quosdam catechumenos confitentur per Athanasium, qui ludi illius pueri Episcopus fuerat simulatus. Tum ille diligenter inquirens ab his, qui baptizati dicebantur, quid interrogati fuerint, quidve respon-

sponderint, simul & ab eo, qui interrogauerat, ubi videt secundum religionis nostrae ritum cuncta constare, collocutus cum concilio clericorum, statuisse traditur, illis, quibus integris interrogationibus & responsionibus aqua fuerat infusa, iterari baptismum non debere, sed adimpleri ea, quae à sacerdotibus mos est. Athanasium verò atque eos, quos Iudas ille vel presbyteros habere visus fuerat, vel ministros, conuocatis parentibus, sub Dei oblatione tradit Ecclesiae suae nutriendos. Paruo autem tempore, cum à Notario integrit, & à Grammatico sufficienter Athanasius fuisset instructus, continuo tanquam fidele Domini commendatum, à parentibus restituitur sacerdoti, ac velut Samuel quidam in templo Domini nutritur, & ab eo pergente ad patres in senectute bona, ad portandum posse se ephod sacerdotale, deligitur. Sed huius tanti in Ecclesia pro fidei integritate agones fuerunt, ut etiam de hoc videatur dictum esse illud, quod scriptum est: Ego enim ostendam ei, quanta eum pati oporteat pro nomine meo, in huius enim persecutiones vniuersus coniuratus orbis, & commoti sunt principes terrae: gentes, regna, exercitus coierant aduersus eum. Ille autem diuinum illud conseruabat eloquium, dicens: Si consistent aduersum me castra, non timebit cor meum: si insurgat in me praelium, in hoc ego sperabo.